

PIACEVOLISSIMA
RACCOMANDAZIONE
A SACCO SANO
Cittadino d'Ascole.



Napoli — Presso Avallone 1849

Na razione voglia ccomenzare
De Sacco sano d' Ascole nativo ;
Ommo da bene , e figlio de Vatecaro
Co lo prossimo sujo caratalivo ,
Li portenti suoje voglio cantare ,
Si co la mente mia a tant' arrivo ,
E chi l' ascolta con attenzione
Non le manca de ji priesto presone.

Nc' era na scura donna de Maran
Con no ponticcio mortale a lo dito ;
Li miedici ordenajeno , che la mano
Lavasse co lo cennera , e l' acito
Recorrelle pe grazia a Sacco sano
E le portaje pe bute no vestilo ;
Lo Sacco pe levarese lo impaccia :
Le facelle secca tutto lo vraccio.

Slava pe s' annegare na varcone
Carreco de Perzuno mmiezo mare ,
Pregava ognuno con attenzione
A Sacco sano , pe lo fa sarvare ,
Lo chiante che , faceva lo Podron
Vedennese la varca sfracassare ,
Mosso a pietà lo Sacco , prestame
Sarvaje la varca , e soffonnaje la gen

Nc' era na donna, e non poteva figliare
 Da quaranta juorno, o che compassione
 Subitamente mannaje a pigliare
 De lo Sacco sano la jeppone
 La Vammanna se mesa a pregare,
 E mese ncopp' a lo ventre lo scarpone
 La donna partori con grande forza
 Per grazia de lo Sacco ne cocozza.

Stava scavanno no Fravacatore
 No pidamento, ch' era futo assaje,
 Cadde na preta co no gran furore
 Le jelle ncapo, e nce la sfracassaje,
 Chiammano Sacco sano co lo core
 Cadde lo terreno, e l'atterraje,
 Dopo atterrato lo parrella affritto
 Chiammano Sacco sano fillo.

Na figliuola chiamata Porziella,
 Teneva la capa tutta consumata.
 De chillo brutto male della Zella,
 Da capo nzi a le recchie arrivato,
 Mpellegranaggio po la poverella
 Co li piede pe terra scammesata,
 In che nnanze a lo Sacco fuje arrevala
 Se trovaje tutte la capa mbermecatu

4
No' era no bel Giovane d' Arienzo,
Che sell' anne n' aveva passato,
Che pareva la male de descenzo;
E lo cuollo l' avea storzellato:
A Sacco sano se porta de senza,
Che l' avesse lo cuollo adderezzato
Ogge porta lo duono a Sacco sano,
E si jetta atterrare lo dimano.

No porucchiere pregava a Sacco sano
Ch' alle perucche soje desse guadagno,
Ca la voleva fa de propria mano
Ma narucchella de pilo castagno
Le portaje li capille n' artesciano
Pe na perucca, e isso fece cagno;
Co la varva de crapa a st' affelle.
Lo perucchiero arreventajo crapello.

D. Gio. Borgiamillo de Matera
Nioppava co la lengua a lo parlare
Anzi a Ascole mannaje la mogliera,
Pe se fa na relliquia mprestare.
E fu cappa de la cemminera
A do lo Sacco se solea scarfare;
De Sacco sano la relliquia tocca,
Le cadette la lengua da la vocca.

Nce stava no Scarparo poveriello,
Afflito, non sapeva come fare,
L'era crisciuto arreto no scartiello,
Che non poteva proprio falicare
Donajo a Sacco sano no Chianiello,
De vero core se mese a pregare,
E mente lo pregava, n' uno stante,
N' auto scartiello le crescelle nnante.
Zeza la zoppa, brava cortesciana
Aveva parecchie gumme e aule male,
Stette serrata cchiù de na settimana
A piglià lo mercurio a lo spedale,
Non servette Geruceco, o V'amma,
Che Sacco sano consolaja sta tale:
E la grazia fu che na mattina
Dinte a lo Sacco jette a la pescina.
N' affritto Mastro d'ascio, che pateva
Di dolore de mole, ch'arraggiava:
Bevere, o mangiare non poteva
De notte, e ghiuorno sempre sospirava
Le va nzuonno lo Sacco, e le diceva,
Mo te levo sto mmalo, che l'aggrava.
Lo Mastro la mattina susseguente
Mimocca no se trovaje manco no dente.

Fù ncappato n' affritto Coselore
 Co ccierte panne fatto de bannerà
 A lo vestito de no gran signore
 Che lo voleva manna' proprio ngalera,
 S' abbacciai a Sacco sano co lo core
 L' affritto, e sconselata de Mogliera
 Lo Sacco fece ascire pe consiglio
 N' ora de corda, e tre anni d'esiglio.

Nè era no figlio de no speciale,
 Che stava tutto chino de Morvillo
 E bedenno neurabelo lo mmale
 Facea lo nigro Padre allucche, e strille
 Porta no duono la Mamma carnale
 A lo Sacco, che fujeno tre songille,
 E lo Sacco le dette lo consuorto,
 Che a lu tornà lo trovaje già muorto.

Lo tavernare, che stava fore Rotta;
 Pe mariuolo steva mmecaria,
 A Sacco sano recorrette de botta,
 Che lo scampasse da sua mpostaria
 D' uoglio ne strujette chiù de meza volta
 E si dica na volta n' è buscia
 Lo Sacco l' apparie de bello viso
 Asciette da le carcere e fu mpiso.

Nce steva n' accellento servitore
 Che serveva na donna nnamorata;
 Pe na mmasciata, che nce fece arrore;
 Recevette na bona mazzeata,
 Abuscanno chiamava co lo core.
 Sacco, e le fu grazia data,
 Che fare chiù lo creato nò polette,
 E lo poderiello pezzenno se ne jelle.

Ne' era na figlia de no robba vecchie
 Mogliera a D. Cuoseme Dottore,
 Aveva le zizze magnate de serchie,
 Che se sentiva mori do lo dolore;
 Le precarie soje furon superchie
 A Sacco sano, che le fece onore,
 Fe dimostrare le soje gran prodizze,
 Le facelle cadè fracite le zizze.

Na scuffiara ch' era de Cardito,
 Mente steva na scuffica appuntanno,
 Na spengolella le pugna a lo dito,
 Pe lo dolore ne voltaje agnanno,
 Recorse a sto gran Sacco lo Marito,
 E mentre steva l' afflitta peccianno,
 Sto fatte suje no gran caso strano
 Ch' a la moglie le cadia la mano.

No ricco benestante ch' era de Massa,
Che poteva de seateca a na coscia
L' acqua de Sacco sano ne' applicaje,
La coscia fra doje ore le seccaje.
Magnannese ne pesce lo si Fonzo,
Na spina nconna se l' attraversaje
A Sacco sano appena suje volato
Nce restaje da la spina strangolato.

O buona gente, che sentito avite
De Sacco sano le grazie, e li faure,
Si avite male a Ascole corrite
Ca sane l' arracchiaine, e li ture;
Si state sane là ve stroppiarrite,
Esso dispensa trivole, e dulure,
Chi a Sacco sano ng' allumma la lampa,
N' avarà bene; e salute mente campa.

Jate a Ascole, affritte, e bisognuse
Jate a Ascole, stuorte, e struppiale
Jate a Ascole, viecchi guallaruse,
Jate a Ascole, giunche, e cecate,
M' era scordato chiamare li rignuse
Va jate, ca sarrile consolate,
Va jate tutte quante ncompagnia,
Ca sarrile sconocchiate pe la via.

F I N E.